



Australian Government

COVID-19 VACCINATION

AstraZeneca Kong

AstraZeneca Khamnak sii

AstraZeneca khamnak sii le zeimaw caan tete lawng i a cangmi karlak ah pehtlaihna a um, cu ahcun thi khalnak le thi chungah atlang tete umnak aa tel. Hi thil umtu ning cu Tihri chungah thi khalnak tiah auh a si (TTS).

COVID-19 khamnak siichunh cu upa dihla caah duh piak a si. Pfizer khamnak sii cu kum 60 tang upa pawl caah COVID-19 dohnak dingin duh deuhmi khamnak sii a si. Sihmanhsehlaw, kum 60 tang upa zong nih AstraZeneca khamnak sii i chunh dingah thim khawh a si `hiam`hiam ko. Biakhiahnak tuah dingah na siibawi kha chim.

AstraZeneca khamnak sii cu kum 60 le a cunglei pawl pek an si lai.

Thihri chungah thi khalnak (TTS tiah hngalhmi) cu zeidah a si?

Thikhalknak timi a sullam cu thi aa hlum i khoika hmanh a kal ti lo.

Thihri chungah thiltaannak timi a sullam cu thihri chungah thi a tlang tete an um tinak a si.

TTS cu a um setsai lomi a si, AstraZeneca khamnak sii ruangah takpum ah hnorsuannak bantu kin langmi a si. Hi bantu a caan ahcun, tihnung ngaimi a si kho i pumtlanlinlonak asilole thihnak a chuahpi khawh. TTS nih thikhalknak a chuahpi i cucu takpum chung hmun dangdang ah a cang kho. Thihri chungah thi a tlang tete in a um ter kho i cu nih cun thichuahnak a chuahpi khawh. Pfizer khamnak sii le TTS karlak ah zeihmanh pehtlaihna a um lo.

Zeitik ah dah TTS cu a can?

Sii i chunh hnu ni 4 in 42 karlak ah TTS a cangmi kong cu chimphuan a si, cucu AstraZeneca khamnak sii avoi khatnak i chunh ah a cang tawnmi a si.

TTS cu zeitluk in dah a tam?

TTS cu a um set lo mi a si. Atu lio ah AstraZeneca COVID-19 khamnak sii aa chungmi 100,000 chungah minung 1-2 karlak hrawng a hnorsuan hna tiah ruahdomh a si. Asinain kum 60 tang caah cun, a cangmi a tlawmte, a cangmi ret hi a sang deuh tiah ruahdomh a si i minung 100,000 chungah 2-3 karlak hrawng an si. Hi ruahdomhmi pawl cu thawngthanhmi pawl tampi hmuh khawh a si tikah tharchuah `han a si te lai.

TTS i tihnunnak ah tamdeuh a ngei kho dingmi phu pawl an um maw?

TTS cu kumkhua upa deuh pawl sin in chimphuannak a um deuh nain, mino deuh upa sin ah tam deuh a cang. Thikhalknak caah a `ha dingmi sii lei thlopnak a ummi kan hngal lo. Dothlattu pawl nih hihi an lethal cuahmah lio a si.

COVID-19 a hmelchunhnak pawl zeidah an si?

TTS nih a tang i langhtermi zawt hmelchunhnak pawl cheukhat a chuahpi men lai:

- lu fak piin fah pengnak:
 - siichunh *hnu* a tlawmbik ni 2 ah a lang
 - a fah daihnak sii sawhsawh nih a `hatter lo
 - zau tikah a zuar deuh kho men
- chungnonak le luaknak
- khua hmuh huaha lo
- holh i harhnak
- lungmihnak
- hnuhnak pawl
- thawchuah i harhnak
- tang fahnak
- ke phinnak
- paw fah pengnak
- sii chunhnak zawn i cuar tang ah thi a dek hmetete langhnak.

COVID-19 khamnak sii nan i chunh hnu ah hi hnorsuannak takpum i fak ngai in a langmi pawl chungin pakhatkhat kha nangmah asilole a dang pakhat nih nan ngeih ahcun, 000 kha nan chawnh colh a hau.

AstraZeneca khamnak sii cu tihnung a sinak pawl nakin `hathnemnak a ngeihmi a tam deuh maw?

A si. Tihnung a sinak pawl nakin `hathnemnak a ngeihmi a tam deuh, a hlei in kumkhua upa pawl COVID-19 in fak piin zawt khawhnak a ngeimi pawl caah.

Kum 60 tang na si i AstraZeneca avoi khatnak i chunh dingah a hlankanh in chimchungnak na rak tuah cang ahcun zeitindah a si lai?

AstraZeneca avoi khatnak i chunh dingah a hlankanh in chimchungnak na rak tuah cang i kum 60 tang na si ahcun, na siibawi kha chim. Sii chunh ding na si le si lo biakhiahnak tuah dingah an in bawmh lai.

AstraZeneca avoi khatnak na rak i chunh cang i avoi hnihnak ah naa chunh `han a hau maw?

TTS kong chimphuanmi dihlak dengmang in AstraZeneca COVID-19 khamnak sii avoi khatnak i chunh hnu in a cangmi an si. AstraZeneca khamnak sii avoi khatnak i chunh hnu ah fak piin na takpum ah hnorsuannak a langh lo ahcun, kum 60 tang na si zongah, avoi hnihnak i chunh `han dingah mah le mah i zumhnak na ngei khawh.

Hlan lio ah thi khalnak a rak ngei bal cangmi nih AstraZeneca khamnak sii i chunh dingah a him maw?

Hlanlio ah a dang thi khalnak na rak ngei bal ahcun, asilole thi khalnak caah tih a nungmi aruang na ngeih ahcun, AstraZeneca khamnak sii naa chunh khawh rih ko. Hlan lio i thikhalknak rak ngeih balnak nih AstraZeneca khamnak sii i chunh hnu ah TTS tihunnak a tamter deuhnak tette a um lo.

Thawngthanmi tam deuh hmuh khawhnak caah

AstraZeneca khamnak sii kongah biahal awk pawl na ngeih ahcun, na siibawi sinah biaruhnak ngei, www.health.gov.au/covid19-vaccines-languages ah zoh, asilole Ram pumpihuap Coronavirus Bawmh khawhnak lei chawhnak 1800 020 080 ah chawn. Calehnak le holhlehnak lei rian`uan piaknak caah 131 450 kha chawn.